

KE NAKO YA MAKGAOLAKGANG BAKENG SA DITHOMELO LE DITEFELO GO SARS

TŠA BENGMOŠOMO

Pretoria, 15 Mei 2020 – PRETORIA, 12 Matšhe - Ba Ditirelo tša Motšhelo tša Afrika Borwa (SARS) ba rata go gopotša bengmošomo ka ga boitlemo bja bona bja semolao bja go romela tshedimošo ya megolo go SARS ka letšatši la goba pele ga letšatši la mafelelo la Sontaga la 31 Mei 2020. Bengmošomo bao ba obamelago ka botlalo, ba nolofaletša bašomi ba bona go phethagatša boitlamo bja bona bja tefelo ya motšhelo wa batho ka noši.

E tsebja bjalo ka Nako ya Poelanyo ya Dipuku tša Mongmošomo tša Ngwaga, sebaka se sa go faela le go lefela bakeng sa bengmošomo se bopa karolo e tee, ya go go nolofala ya Setlha sa go Faela sa 2020 fao bašomi ba go khwalifaya, balefela motšhelo ka noši ba bangwe le ditrasete ba kgonago go faela dipušetšo tša motšhelo wa letseno, ge go hlokega, moragonyana mo ngwageng.

Data yeo e swanetšego go romelwa ka Sontaga ka la 31 Mei 2020 e swanetše go akaretša nako ya transekšene ya 1 Matšhe 2019 go ya go 29 Feberware 2020, mabapi le dithomelo tša Ditaodišo tša Mongmošomo tša Kgwedi ka kgwedi, ditefelo tše di dirilwego le di IRP5/IT3(a) tše di tšweleditšwego.

Data ye ya mogolo e tloga e le bohlokwa kudu go SARS. Sa mathomo, e fana ka akhaonte yeo e boelantšwego ya go laetša palo ya motšhelo yeo mongmošomo a e gogilego go tšwa go mogolo wa go tšhelelwa go mošomi o mongwe le o mongwe. Sabobedi, e laetša gore ke palo e kae ya motšhelo yeo mongmošomo a e lefetšego go SARS legatong la mošomi. Gape e rekhota dipušetšo tše dingwe tše mongmošomo a di lefelago go mošomi.

Tshepetšo ya Poelanyo ya dipuku tša Mongmošomo ya Ngwaga ke kgato ya mathomo e bohlokwa go tshepetšo e kgolo ya poelanyo ya Motšhelo wa Letseno. Tshepetšo ya Poelanyo ya dipuku tša Mongmošomo ya Ngwaga, e dumelela SARS go ntšha pušetšo ya motšhelo wa letseno go balefela motšhelo bao ba šetšego ba tladiše tshedimošo ya mogolo. Se, gammogo le tshedimošo go tšwa go baabatirelo ba bangwe ba tshedimošo ba leloko la boraro, se dira gore go be bonolo gore batho ka noši ba kgone go fihlelela boikgafo bja bona bja boitlamo bja motšhelo wa letseno.

SARS e ikemišeditše go kgonthiša gore tekanyo ya obamelago magareng ga bašomi e gola kudu mo motlhako e mompsha wa Setlha sa Motšhelo sa 2020. Dikhamphani tše di palelwego ke go romela tshedimošo ya mogolo ka nako di tla lebanwa ke dikotlo tša thomelo ya go latelwa ya go fihla go 10% ya boleng bja mogolo wa bona.

Re rata go hlalosa gore le go feta peleng, mo nakong ye ya ditlhotlo tša Covid-19, go tloga go le bohlokwa go molefela motšhelo yo mongwe le yo mongwe go dula ba obametše tefelo ya motšhelo. Dikabelo tša motšhelo di dumelela Mmušo go fana ka ditirelo tše bohlokwa tša dithoto tša selegae le ditirelo go MaAfrika Borwa, go hira batho bao ba fanago ka ditirelo tša pele tša maphelo, selegae le ditirelo tša tšhireletšo, le go lefela kimollo ya selegae go setšhaba seo se lego kgakanegong. SARS gape e maamong a go dira ditefelamorago tša ditefelo go dikgwebo le batho bao ba šetšego ba le tlalelong, gammogo le go fana ka magato a kimollo ya motšhelo go boloka dikgwebo le mešomo.

Ka boikokobetšo re leboga bengmešomo bao ba obametšego bao ba šetšego ba rometše data yeo e hlokegago, gape ba šetšego ba dirile ditefelo tšeo di hlokegago. Re kgopela gore bengmešomo ka moka bao ba sa phethagatšago boitlemo bja bona, ba dire bjale ka nako.

Go hwetša tshedimošo e ntši ka ga tshepetšo ya PAYE le magato a kimollo ya motšhelo, bengmošomo ba ka etela letlakala la PAYE go wepsaete ya SARS: www.sars.gov.za.